

# ADOLAT

IJTIMOIIY-SIYOSIIY GAZETA

info@adolatgzt.uz • www.adolatgzt.uz • www.adolat.uz • № 7 (1228) • 2019-yil 15-fevral, juma



ФРАКЦИЯ ЙИГИЛИШИ

## Сайлов қонунчилиги такомиллашмоқда

Жорий йилнинг 14 февраль куни Олий Мажлис Қонунчилик палатасидаги Ўзбекистон “Адолат” социал-демократик партияси фракциясининг навбатдаги йиғилиши бўлиб ўтди.

Фракция аъзолари 2019 йил Давлат дастурига мувофиқ Олий Мажлис Қонунчилик палатасининг бир гуруҳ депутатлари томонидан қонунчилик ташаббуси асосида киритилган “Ўзбекистон Республикаси Сайлов кодексини тасдиқлаш ҳақида”ги Ўзбекистон Республикаси қонуни лойиҳасини биринчи ўқишда кўриб чиқишди.

Қайд этилганидек, бугунги кунда Ўзбекистон Республикасининг сайлов қонунчилиги бўйича бешта қонун мавжуд бўлиб, улардаги айрим қайтариклар ҳуқуқни қўллашда бир қатор ноқулайликларни келтириб чиқарди. Шунингдек, сайлов жараёни, уни ўтказиш тартиб-тамоийллари ва қридаларининг қўчилиги қонун даражасида эмас, балки Марказий сайлов комиссиясининг низоми ва йўриқномалари билан тар-

тибга солинади. Ушбу қонунларнинг айрим нормалари замон талаблари ва сайловларни демократик тарзда ўтказиш бўйича халқаро амалиётга тўла мос келмаслиги ҳолатлари учрамоқда.

Кодекс лойиҳаси 20 дан ортиқ хорижий мамлакатларнинг тажрибаси ҳамда ушбу соҳадаги халқаро стандартларни ўрганиш натижасида тайёрланди.

Айниқса, мамлакатимизда бу йилги муҳим сиёсий жараён, яъни декабрь ойида парламент ва халқ депутатлари маҳаллий Кенгашларига бўлиб ўтадиган сайловлар кампанияларида сайлов нормаларини ўзида муҳасам этган ягона Кодекс ҳал қилувчи аҳамият касб этади.

Сайлов кодекс лойиҳасида устувор вазибалар сифатида сайловчиларнинг ягона электрон рўйхатини шакллантириш,



муддатидан олдин овоз бериш, сиёсий партиялар томонидан номзод кўрсатиш, сайловолди ташвиқот ишлари ва бошқа сайловга оид нормалар киритилмоқда.

Шунингдек, мазкур лойиҳага бир қатор янги нормалар киритилмоқда. Хусусан, номзодлар ишончли вакилларининг Ўзбекистон Республикасидаги сафар харажатларини сайловни ўтказиш учун ажратилган маблағлар ҳисобидан қолланиши белгиланмоқда. Бу эса номзодга халқ ичига янада кенгрок кириб бориш имкониятини беради.

Айниқса, замон талабларидан келиб чиқиб, ахборот технологияларидан кенг фойдаланиш, сайловчиларнинг электрон овозларни санаш яқини бўйича баённомасининг нусхасини дарҳол жойлаштириш тартиби белгиланаётгани фракция аъзолари томонидан ижобий баҳоланди.

Кодекс лойиҳасида халқ депутатлари вилоят Кенгаши депутатлигига номзодларнинг ишончли вакиллари сонини 3 нафардан 5 нафаргача кўпайтириш назарда тутилган

лойиҳанинг амалиёт билан уйғун равишда ишлаб чиқилганини кўрсатади.

Бундан ташқари, ушбу лойиҳа билан “Ўзбекистон Республикаси Президенти сайлови тўғрисида”ги, “Ўзбекистон Республикаси Олий Мажлисига сайлов тўғрисида”ги, “Халқ депутатлари вилоят, туман ва шаҳар Кенгашларига сайлов тўғрисида”ги, “Ўзбекистон Республикаси Марказий сайлов комиссияси тўғрисида”ги, “Фуқаролар сайлов ҳуқуқларининг кафолатлари тўғрисида”ги қонунларни ўз кучини йўқотган деб топиш таклиф этилмоқда.

Кодекс лойиҳасини ишлаб чиқиш жараёнида жамоатчилик ўртасида интернет муҳокамалари, фуқаролик жамияти институтларининг экспертлари, илмий экспертиза, амалиётчилар, шу жумладан, сайлов комиссияси мутахассислари томонидан ва жойлардаги халқ депутатлари Кенгашларида муҳокамалар ўтказилди.

Таъкидланганидек, экспертиза гуруҳларининг барчасида Ўзбекистон “Адолат” СДП мутахассислари ва фракция аъзолари фаол қатнашиб, лойиҳада белгиланаётган меъёрларнинг тўғридан-тўғри ишлаши ва Сайлов кодексининг мукамаллигини таъминлаш бўйича амалиётдан келиб чиқиб, муҳокамаларда ўз таклифларини беришди.

— Сайлов кодекс лойиҳасининг ишлаб чиқиши нафақат сиёсий партиялар, депутатлар, сиёсий соҳа вакиллари учун, балки сайлов ҳуқуқига эга бўлган ҳар бир фуқаро учун муҳим воқеа ҳисобланади, — деди фракция аъзоси **Шухрат Яқубов**. — Ушбу кодекснинг яна бир ўзига хос жиҳати шундаки, амалдаги қонунчиликка мувофиқ, барча даражадаги депутатлар сайлови қонунлар билан, Олий Мажлис Сенати аъзоларини сайлаш тартиби эса Марказий сайлов комиссияси қарори билан тасдиқланган низоми асосида ўтказиб келинади.

2-БЕТ

## Аҳоли соғлиғини сақлашда мавжуд муаммолар ҳал этилади

### ДАВРА СУҲБАТИ

Мамлакатимизда аҳолига кўрсатилаётган тиббий хизматлар сифатини тубдан ошириш, тиббиёт муассасаларининг ресурслар салоҳиятини яхшилаш, соҳани ислоҳ қилиш бўйича комплекс чоратadbирлар мунтазам амалга ошириб келинмоқда.

Шу билан бирга, мамлакат соғлиқни сақлаш тизимини сифат жиҳатидан янги босқичга кўтариш зарур бўлган шароитда тиббиёт соҳасини бошқаришнинг инновацион моделини жорий этиш, тиббиёт ходимларини моддий рағбатлантириши давом эттириш, уларнинг касбий даражасини ошириш учун муносиб шарт-шароитлар ва рағбатлантирувчи омиллар яратиш масалалари давлатнинг доимий диққат марказида турибди.

Соҳа учун катта имкониятлар яратилиб, долзарб масалалар ҳал қилиб берилишига қарамасдан ушбу тизимда қўтилган натижага эришилмаяпти. Айниқса, фуқароларимиз туманлар, чекка қишлоқлардаги аҳоли тиббий хизматдаги жиддий ва туб ўзгаришларни ўз ҳаётида сезмаяпти.

Тиббиёт соҳаси фаолиятини ташкил этишда сўнгги йилларда тўпланиб қолган камчилик ва муаммолар фуқароларнинг соғлиғини

муҳофаза қилиш тизимини янада такомиллаштиришга қаратилган вазибаларни самарали ҳал этишга тўсқинлик қилмоқда.

Хусусан, тармоқни комплекс ҳуқуқий тартибга солишнинг мавжуд эмаслиги, касалликларнинг олдини олиш ва улардан аҳолини ижтимоий ҳимоя қилиш соҳасидаги қонуности, идоравий ҳужжатларнинг қўплиги, касалликларни профилактика қилиш, барвақт аниқлаш, патронаж ва соғлом турмуш тарзини шакллантириш бўйича ишлар самарадорлигининг пастлиги, аҳолига тиббий ёрдам кўрсатишнинг турли босқичларида, шу жумладан, даволаш ва саломатликни тиклаш жараёнида узвийлик сустлиги, соғлиқни сақлаш тизими тиббиёт илм-фани ҳамда амалиётнинг замонавий ютуқларидан ортда қолиб кетишига олиб келаётганлиги ва бошқа сабаблар шулар жумласидандир.

2-БЕТ

### ЖАМОАТЧИЛИК МУҲОКАМАСИ

## Ўқитувчи мақоми қандай бўлиши керак?

Ўзбекистон Республикаси норматив-ҳуқуқий ҳужжатлар лойиҳалари муҳокама-си порталига 2019 йилнинг 11 январидан жойлаштирилган “Ўқитувчи мақоми тўғрисида”ги қонун лойиҳаси кенг жамоатчиликнинг диққат марказида бўлди. Ушбу қонун лойиҳаси Ўзбекистон “Адолат” СДПнинг барча бўғиндаги тузилмалари, партия фаоллари, депутатлар, экспертлар томонидан ҳам ўрганилди. Тўпланган фикр ва таклифлар таҳлил этилиб, дастурий мақсадларимиз ҳамда электротат манфаатларидан келиб чиққан ҳолда ушбу қонун лойиҳаси юзасидан асослантирилган 20 та таклиф тайёрланди.


3-БЕТ

### ТОШКЕНТ ВИЛОЯТ ҲОКИМЛИГИ ДИҚҚАТИГА!

## Ҳудудда ечимли бор муаммо...

### НЕГА МАРКАЗГАЧА ЕТИБ КЕЛМОҚДА?

Яқинда вилоят жамоатчилик гуруҳи аъзолари Қибрай туманининг бир қатор маҳаллаларида бўлиб, аҳолининг турмуш тарзи, уларни қийнаётган муаммолар билан танишди. Қуйида улардан бири — “Оқ олтин” маҳалласида ўзимиз гувоҳ бўлган айрим муаммолар ҳақида ҳикоя қиламиз. Аввало, “Оқ олтин” маҳалла идорасини топишнинг ўзи муаммо бўлди. Бир илож қилиб топиб борганимизда маълум бўлдики, маҳалла идорасида на пешлавҳа бор, на бирор тирик жон. Ўзаро келишиб, кутишга қарор қилдик. Икки соат ичида маҳалладаги ўнга яқин фуқаролар, отахону онахонлар келиб кетишди-ю, маҳалла фаълларидан дарак йўқ...



6-БЕТ

### 5 Миграция мезони ВА УРБАНИЗАЦИЯ













Захириддин Муҳаммад Бобур таваллудининг 536 йиллиги

ҚУБРАТЛИ БУНЁДКОР ШАХС



Захириддин Муҳаммад Бобур ҳаёти қарерда кечишидан қатъи назар, ўша ерлик халқлар турмушининг обод ва кўркам бўлиши учун эл дардига ярайдиган иморатлар, ҳаммом ва мадрасалар, кўприк ва йўллар, ирригация иншоотлари, масжиду мадрасалар қуриб, сув чиқариш каби ишларни бажарганки, унинг бу ҳиммати бугунги авлоднинг ҳам ғурурига айланган.

Тақдир тақозоси билан Бобурга ўз ватани Мовароуннаҳрда бунёдкорлик ишлари билан шуғулланиш насиб этмади. Аммо у Кобул давлати ва кейинроқ Ҳиндистонда бобоси Амир Темур салтанатини тиклашга киришар экан, энг аввало, бу жойларда майда феодаллик, тарқок ҳокимият ўрнида мустаҳкам, давлат тизимини барпо этдики, бобурийлар авлоди бу жойларда 332 йил давомида ҳукмронлик қилди. Бугун ҳам Ҳиндистонликлар бунёдкор шохдан миннатдор.

Бобур Шарқда фақатгина мустаҳкам давлатчилик ва муносиб дипломатия мактабини яратмади, балки Хуросон ва Ҳиндистонда

беҳисоб кошоналар, мадрасалар, равон йўллар, ирригация иншоотлари каби бунёдкорликни йўлга қўйди. Тарихшунос олим Абдулҳамид Лоҳурийнинг «Подшоҳнома» асаридида келтирилишича, Кобулдаги Боғи шаҳоро, Боғи жилвохона, Боғи сурат, Боғи моҳтоб, Боғи оҳутона, Ўртабоғ, Чорбоғи Кобул, Ҳиндистоннинг Агрисидаги Боғи Биҳишт, Хилватхона, Боғи Зарафшон, Оромгоҳ, Секридаги Боғи фотих, Дилпурдаги Боғи Назаргоҳ, Нилуфар, Гвалиёр боғлари бевосита Бобурнинг раҳнамолиги, молиявий тасминоти ва унинг лойихаси асосида бунёд этилган.

Мазкур боғларнинг ободонлиги, юксак симмет-

рия асосида бунёд этилиши, Бобур томонидан танланган дархатлар, гуллар, умуман, ландшафтнинг кишини ҳайратга солувчи эстетик гўзаллиги, айниқса, бу боғларга Бобур Мовароуннаҳрдан келтирган анвоий гуллар, олуболу, найшакар, узум, қовун каби мева ва дархатларни ўстириб, мевасидан тановул этгани бу ўлкаларда Мовароуннаҳр цивилизациясининг кенг тарқалишига олиб келган.

Буларнинг ҳаммасини умумлаштириб айтганимиз бўлса:

— Захириддин Бобур Шарқ цивилизациясини юксалтириб, эл корига ярайдиган 100 дан ортиқ иншоотларни Хуросон ва Ҳиндистонда бунёд этди,

бу биноларга Мовароуннаҳр архитектураси ва қиёфасини сингдирди, маҳаллий халқ мушуқлини осон этишга интилди;

— Бобур томонидан Ҳиндистоннинг вақт бирликлари мувофиқ бирликлар билан алмаштирилди, халққа осон йўли тақдир қилинди;

— Бобур ўз салтанатини янада мустаҳкамлаш, ҳарбий устунлигини таъминлаш учун тарихдан миллий артиллерия асоси сифатида ном қозонди;

муродифлари билан ислох этди ва қўшинларида бу ислохотни жорий этди;

— Ўша даврда Ҳиндистон, Хуросон ва Мовароуннаҳр ораллиғида ўзаро маълумотлар алмашишда, асосан, чопарлар хизматидан фойдаланилган, бу эса хабарларни тез ва аниқ етказишда кўпгина мушуқликларга олиб келарди. Бобур шох ва саркарда сифатида Аградан Мовароуннаҳргача бўлган масофада почта хизматини энг майда деталларигача ишлаб чиқиб, жорий этди;

— Бобур Шарқ каллиграфияси, араб алифбосининг ўзилиши ва ўқилишида мураккаблиklar мавжудлиги боис янги алифбо — «Хатти Бобурий»ни ихтиро

этди, афсуски, бу янгилик ўша даврда қўллаб-қувватланмади.

Бобурнинг ҳарбий соҳада қилган янгиликлари ва ихтиролари жуда кўп бўлиб, бу алоҳида тадқиқотни талаб этади.

Хуллас, Захириддин Муҳаммад Бобур 47 йиллик умри давомида Шарқ тараққиёти, тамаддуни ва цивилизациясини юксалтиришга, Хуросон ва Ҳиндистонда Мовароуннаҳр маданияти, архитектураси, урф-одатини ёйиш ва ҳаётга татбиқ этишга катта ҳисса қўшди. Буюк бунёдкор шахсга айланди.

Ҳасан ҚУДРАТУЛЛАЕВ, филология фанлари доктори



ХАЛҚ БАНКИ замон билан ҳамнафас

Жорий йилнинг 14 февраль кунин Халқ банки Тошкент шаҳар Амалиёт бўлимида банк томонидан тақдим этилаётган банк хизмат турлари журналистларни таништириш мақсадида пресс-тур ўтказилди.

Банк филиалида бугунги жаҳон андозаларига ва халқаро стандартлар талабига мос келадиган замонавий ва сифатли банк хизматлари кўрсатиб келинмоқда.

Ушбу пресс-турдан асосий мақсад банк томонидан миқозларга яратилаётган қулайликлар, амалга оширилаётган янгиликлар билан таништириш ва кенг оммани хабардор қилишдан иборат.

Халқ банки юртимиздаги энг кўп тармоққа эга бўлган, энг йирик ва универсал банклардан бири бўлиб, банк томонидан аҳолига ва юридик шахсларга барча турдаги хизматлар кўрсатиб келинмоқда.

Халқ банки — халқ хизматида!

Банк ўз миқозларига қулайликлар яратиш, уларга тақдим этилаётган банк хизматлари ҳақида тўлиқ ва тушунарли тарзда маълумотлар билан таъминлаш мақсадида банк хизматлари акс эттирилган махсус китобча тайёрланди.

Китобча жисмоний шахслар учун алоҳида, юридик шахслар учун алоҳида тайёрланган, банк хизматлари ҳақида маълумотлар оддий, содда ва тушунарли тарзда ёритилган. Шунингдек, қўшимча маълумотлар учун банк марказий аппаратининг тегишли таркибий бўлинмалари телефон рақамлари кўрсатиб ўтилган.

Зеро, банкнинг асосий мақсади «Халқ ишончи ва фаровонлиги асосий мақсадимиз» шиори асосида ишлаш ва миқозлар ишончини оқлашдан иборат.

Бундан ташқари, Халқ банки томонидан миқозларга барча турдаги замонавий банк хизматлари кўрсатилиб, қатор имтиёзлар жорий этилмоқда.

Халқ банки миқозларга ҳар доим яқин



Банкдан янги ҳисобрақам очган хўжалик юритувчи субъектлар учун «Мобил банкинг» ҳамда «Интернет банкинг» хизматлари мутлақо бепул.

Халқ банки хизматлари — Сиз учун қулай ва ишончлидир

Энг муҳими, Халқ банки миқозлари ҳисобрақамидидаги маблағларни банкнинг «Интернет банкинг» ва «Мо-



бил банкинг» хизматлари орқали банк иштирокисиз ўтказиш имконияти яратилди. Олдинлари, бу каби амалиётлар банк филиали бош бухгалтерлари тасдиқлагандан сўнг ўтар эди.

Бизнесингиз — Халқ банки билан ишончли



Энди Халқ банки миқозлари ўз ҳисобрақамидидаги маблағларни, Халқ банки миқозларига 24/7-режимда, узлуксиз, дам олиш кунлари ҳам ўтказиш имконияти яратилди.

Халқ банки миқозлар учун чексиз имкониятлар яратади

Яна бир янгилик, энди банк миқозлари «банкда ресурс йўқ» деган ноодатий ҳолатларга дуч келишмайди.



Яъни миқоз ўз ҳисобрақамидидаги маблағларни инсталган пайтда тасарруф этиши мумкин, Халқ банки миқозлари ресурс билан боғлиқ ҳеч қандай муаммага дуч келмайди.

Хусусий тадбиркор Наримон Аҳоровнинг айтишича, банкнинг ушбу қулайликлари туфайли миқоз учун овозгарчилик барҳам топиб, хизмат сифати юқори даражада таъминланмоқда.

«Халқ банки яқинда «24/7 Электрон офис»лар ташкил қилди. Унда биз миқозларга ҳафтасига етти кун, кечаю кундуз хизмат кўрсатилади. Албатта, бу аҳолига ҳамда мамлакатимизга ташриф буюрган меҳмонларга қўшимча қулайликлар яратади», дейди «Art Palitra» МЧЖ вакили, банк миқозизи Ҳамро Фатхуллоев.

Бир сўз билан айтганда, юртимизда Халқ банки томонидан амалиётга жорий этилаётган янги хизмат турлари замирида аҳоли ва банк миқозлари учун қўшимча қулайликлар яратиш мақсади ётибди.

Абдуғани СОДИҚОВ

ЯХШИЛИК

Ким кўрубдур, эй кўнгул, аҳли жаҳондин яхшилиғ, Кимки, ондин яхши йўқ, кўз тутма ондин яхшилиғ.

Гар замонни нафй қилсам айб қилма, эй рафик, Кўрмадим ҳаргиз, нетайин, бу замондин яхшилиғ!

Дилраболардин ёмонлиқ келди маҳзун кўнгулма, Келмади жонимга ҳеч ороми жондин яхшилиғ.

Эй кўнгул, чун яхшидин кўрдунг ямонлиқ асру кўп, Эмди кўз тутмоқ не маъни ҳар ямондин яхшилиғ?

Бори элга яхшилиғ қилгилки, мундин яхши йўқ Ким, дегайлар даҳр аро қолди фалондин яхшилиғ!

Яхшилиғ аҳли жаҳонда истама Бобур киби, Ким кўрубдур, эй кўнгул, аҳли жаҳондин яхшилиғ?

AGROBANK advertisement with headline: Халқаро пул ўтказмалари тизимини янада кенгайтирди. Includes text about international remittance services and a handshake image.